

*homicida à principio, & in veritate non perstitit: non est enim veritas in eo. Quotiescunque loquitur mendacium de suo loquitur, quia mendax est, & pater ille mendacij.*

QUÆST. 112. Quid exigit nonum præceptum?

RESP. *Ne adversus quempiam dicam falsum testimonium, nullius verba calumnier, nulli obrectem aut convitium faciam, neminem temerè aut indicta causa condemnem: verum omnis generis mendacia, fraudes, ut opera Diaboli propria, nisi in me gravissimam iram Dei concitare velim, omni cura fugiam: In iudiciis, ceterisque negotiis veritatem secter, & id quod res est libere & constanter profitear: Adhæc famam aliorum & existimationem, quantum queam, defendam & augeam.*

**J**EHOVA Dominus noster nō solūm sanctus & justus est; ut ex 7. & 8. præceptis docuimus: sed verax etiam est; ideo nos quoque veraces esse flagitat sine fraude & fūco: ne vel mendacio proximum gravemus vel calumnijs falsisque criminationibus Dei nomen violemus.

Consilium enim legislatoris est, ut unicuiq; fidelem